

formis suis in vnā abierint cōmunem: vnde quoq; vnius vis facultatis, & operationis vnius effectus, non plures resultarint. Sic enim, vt vult Philosophus, ὁμοιομερῆς foret, quod tamen in præcedentibus absurdum esse cum Galeno ostendimus. Ergo quemadmodum ordeï & tritici granatrita, & inter se confusa, teste Aristotele, nequaquā mixtum, *1. de Ortū* sed solum efficiunt compositum *ἀνομοιο-* *t. 85.* *μερῆς*: ita simplicium remediorum partes eæ, quæ diuersos enituntur diuersarum facultatum effectus. Quæ verò superius experimētorum specimina producta fuere, ita sunt perpendēda: vt facultates remediorū aliæ toti insint, beneficio harmoniæ & cōpositionis: aliæ partium cōstituentiū merito: Illæ ergo, quæ totius harmoniam sequuntur, toto soluto, turbatoq; cōpositionis ordine, pereunt & ipse. Succinum trahit paleas: magnes ferrum. At si in partes abscesserint, nil prodibit, quod idem præstare valeat: vt eorū' conatus nullū plausum promereantur, qui dum Chymico artificio rerū omniū latētes causas in apertum producere satagūt, sulphur quod-

K 2      dam,